

REGULAMENTO DE LICENZAS DA FEDERACIÓN HÍPICA GALEGA

Artigo 1.- Obxecto e ámbito de aplicación.

- 1.- O presente regulamento de licenzas é unha norma interna da Federación Hípica Galega, xerarquicamente subordinado aos Estatutos da mesma, ao que se refire o artigo 5.1.h) da Lei 3/2012, do 2 de abril, do Deporte de Galicia.
- 2.- O ámbito obxectivo e subxectivo de aplicación desta norma contráese á actividade propia da Federación Hípica Galega e ás persoas integradas na mesma.
- 3.- Esta norma ten por obxecto a regulación das licenzas da Federación Hípica Galega.
- 4.- Esta norma estará en vigor desde a tempada 2025 inclusive, en tanto non sexa modificada ou derogada por outra posterior.

Artigo 2.- Natureza, efectos e finalidade das licenzas.

- 1.- A licenza federativa é o documento de carácter persoal e intransferible que outorga aos seus titulares a condición de membros rexistrados da Federación Galega de a través dos distintos estamentos.
- 2.- A obtención da licenza federativa comportará para o seu titular a aplicación dos seguintes dereitos e deberes previstos nos Estatutos federativos para os membros dos correspondentes estamentos:

Dereitos dos federados:

- Dereito a participar no cumprimento dos fins específicos desta federación.
- Os federados con licenza competitiva teñen dereito a participar en competicións oficiais. Os federados con licenza non competitiva teñen dereito a participar en calquera outro tipo de competicións ou actividades deportivas da modalidade correspondente.
- Dereito a esixir que a actuación da Federación axústese á Lei 3/2012 do Deporte de Galicia, as súas normas de desenvolvemento e aos presentes Estatutos.
- Dereito a separarse libremente desta Federación. - Dereito á información das actividades da Federación.
- Dereito a ser elector e elixible para os órganos de representación, cando cumpran os requisitos establecidos na normativa electoral.
- Dereito a impugnar os acordos dos órganos de goberno e representación que estimen contrarios á lei ou os Estatutos perante a xurisdición competente.

Obrigacións dos federados:

Son obrigacións dos federados as de carácter xurídico e económico que se deriven da Lei 3/2012 do Deporte de Galicia, as súas normas de desenvolvemento e os Estatutos da

FHG, así como cumprir os acordos validamente adoptados dos órganos de goberno e representación desta.

3.- Para a participación en actividades ou competicións oficiais da Federación Hípica Galega precísase estar en posesión de licenza federativa expedida por esta.

4.- Así mesmo, as licenzas expedidas pola Federación Hípica Galega habilitarán aos seus titulares para participar en competicións oficiais de ámbito territorial superior nos casos e condicións que estableza a correspondente normativa da Real Federación Hípica Española.

Artigo 3.- Clases de licenzas polo seu obxecto.

No seo da Federación Hípica Galega existirán as seguintes licenzas en función do seu obxecto:

a) Licenzas de carácter competitivo: son as que habilitan para participar en competicións oficiais e divídense en:

Licenza territorial: obrigatoria en todos os concursos territoriais e campionatos galegos.

Licenza nacional: obrigatoria en todos os concursos nacionais e Campionatos de España.

b) Licenzas Non competidor: son as que habilitan para participar nas probas de ginkana e ata unha altura de 0,50 metros nos concursos territoriais e sociais.

Artigo 4.- Clases de licenzas por estamentos.

1.- As licenzas federativas poderán corresponder aos seguintes estamentos:

- a) Entidades deportivas.
- b) Deportistas.
- c) Técnicos.
- d) Xuíces
- e) Outros colectivos: (deseñadores de recorrido, veterinarios, ferreiros).

2.- Permítese a posesión de licenza por dous estamentos distintos.

Artigo 5.- Prohibicións e incompatibilidades.

1.- Non poderá expedirse licenza a favor de quen estea cumprindo calquera sanción disciplinaria ou penal que carrexese a privación de licenza, ou inhabilitación para o desempeño das actividades que permita a licenza solicitada, así como aos sancionados por dopaxe en virtude do disposto pola súa lexislación específica. Os sancionados con suspensión de licenza poderán renovar ou obter nova licenza en calquera momento, sen

prexuízo de non poder desenvolver as actividades en cuestión ata o total cumprimento da sanción correspondente.

2.- Non se emitirá licenza á persoa que teña licenza federativa en vigor expedida por outra federación autonómica. En cambio, quen estea en posesión da licenza nacional poderá obter tamén licenza territorial.

Artigo 6.- Estranxeiros.

1.- Poderán obter licenza os xinetes e amazonas residentes comunitarios e os estranxeiros non comunitarios con residencia legal en España, así coma os seus cabalos. Tamén poderán estas persoas presentar seus certificados de obtención de galopes nos seus estados.

2.- Tratándose de menores de idade, para obter licenza bastará coa acreditación do seu empadramento nun municipio do Estado.

Artigo 7.- Duración.

As licenzas expirarán coa finalización da tempada deportiva da modalidade ou especialidade para a que foron expedidas, é dicir, o 31 de decembro do ano da súa expedición.

Artigo 8.- Licenzas de entidades deportivas.

1. Poderán obter licenza de entidade deportiva aqueles clubs ou seccións deportivas debidamente rexistrados para a práctica da Hípica no Rexistro de Entidades Deportivas da Xunta de Galicia.

2. A posesión de licenza é obrigatoria para participar nas competicións oficiais por equipos de entidades deportivas e para organizar competicións oficiais de ámbito autonómico ou estatal.

Artigo 9.- Licenzas de deportistas.

1.- Os deportistas poden obter licenza vencellada ou non a unha entidade deportiva, neste último caso como independentes.

2.- Os deportistas poderán cambiar de entidade deportiva durante a tempada mediante comunicación á Federación Hípica Galega.

3.- As licenzas de deportistas divídense nas seguintes categorías de idade:

- a) Alevín:
- b) Infantil:
- c) Xuvenil:
- d) Xinetes novos:

e) Adultos:

4.- A licenza habilitará para a práctica de distintas especialidades debendo consignarse o Galope que corresponda a unha delas e, no seu defecto, o de maior nivel.

5.- Os deportistas deberán ter o Galope correspondente de acordo coa regulamentación específica dos mesmos con un mínimo de Galope 4 para a licenza Nacional coas excepcións que poida prever a normativa específica de titulación de xinetes e amazonas.

Artigo 10.- Licenzas de técnicos.

1. Os técnicos deberán contar como mínimo co título de Nivel de Equitación 1 para obter licenza.

2. Tratándose de técnicos cuxa actividade implique contacto habitual con menores de idade, deberán acreditar non ser condenados por sentenza firme por algún delito contra a liberdade e indemnidade sexual, mediante certificación negativa do Rexistro Central de delincuentes sexuais que deberá achegarse á Federación Hípica Galega xunto coa súa solicitude de licenza.

Artigo 11.- Licenzas de xuíces.

Os xuíces deberán contar con un curso aprobado de xuíces territorial ou nacional para obter licenza.

Artigo 12.- Licenzas de cabalos.

1. Todos os cabalos que participen en competicións hípica de ámbito autonómico ou estatal deberán contar con licenza.

2.- Só poderá obterse unha licenza por cabalo e tempada.

3.- As solicitudes de licenza dos cabalos deberán reflectir, como mínimo, a seguinte información:

Nome do cabalo

Número de microchip (no caso de telo asignado) e/ou número ULN

Número do Libro de Identificación Cabalar ou documento análogo

Raza

Sexo

Capa

Nome e raza do pai

Nome e raza da nai

Nome do propietario

Artigo 13.- Aseguramento de accidentes deportivos das persoas e de responsabilidade civil dos cabalos

1.- A expedición de calquera licenza federativa leva consigo a obriga de subscribir un seguro que garanta a cobertura de indemnización para os supostos de perdas anatómicas ou funcionais ou de falecemento, así como a asistencia sanitaria, derivados de accidente deportivo, nos termos establecidos na normativa vixente da Comunidade Autónoma de Galicia.

2.- A expedición de calquera licenza de cabalo leva consigo un seguro de responsabilidade civil a terceiros.

2.- Ditos seguros será subscritos pola Federación Hípica Galega en condición de tomador, sendo o titular da licenza o asegurado no caso de seguro de accidentes deportivos.

Artigo 14.- Recoñecemento médico previo.

Para a expedición de licenza de deportista non esíxese o sometemento a un recoñecemento médico que determine a inexistencia de contraindicacións para a práctica da Hípica.

Artigo 15.- Función de expedición de licenzas.

1.- A Federación Hípica Galega, na súa condición de entidade que exerce a función pública delegada de expedición de licenzas, de carácter administrativo, é competente en réxime de exclusividade para expedir e tramitar licenzas federativas de Hípica na Comunidade Autónoma de Galicia, baixo a tutela da Administración deportiva autonómica.

2.- A Federación Hípica Galega exercerá a función de expedición de licenzas federativas de forma directa, sen que esta poida ser obxecto de delegación ou exercicio de substitución sen a autorización da Administración deportiva autonómica.

3.- A expedición de licenzas federativas ten carácter regrado, non podendo denegarse a licenza a canta persoa solicitante reúna as condicións necesarias para a súa obtención.

4.- A Federación Hípica Galega informará a calquera persoa interesada sobre os requisitos necesarios para a obtención dos seus distintos tipos de licenzas.

Artigo 16.- Tramitación e emisión de licenzas.

1.- As solicitudes de licenza deberán ser obrigatoriamente formuladas polo interesado ou os seus representantes legais a través dos modelos específicos establecidos pola Federación Hípica Galega achegando os documentos preceptivos indicados nos devanditos modelos para cada tipo de solicitude, que serán de acceso libre a través do apartado Licenzas da páxina web da federación www.fhgallega.com

2.- O prazo de solicitude de licenzas para cada tempada iníciase o 1 de xaneiro e conclúe o 31 de decembro.

3.- As solicitudes de licenzas presentadas por entidades deportivas deberán selo obrigatoriamente por medios electrónicos.

4.- As solicitudes de licenzas para menores de idade deberán ser subscritas polos proxenitores, titores ou institución que exerzan a súa representación legal, quenes deberán recoñecer e aceptar a súa condición de “persoa responsable do cabalo” aos efectos previstos no regulamentos disciplinarios e veterinarios.

5.- A tramitación das solicitudes compételle ao persoal laboral federativo.

6.- Calquera solicitude que adoecece da falta dalgún requisito emendable, dará lugar ao requirimento ao interesado para que, nun prazo de dez días hábiles, emende a falta ou achegue os documentos preceptivos. Se o interesado non emendase os defectos advertidos no referido prazo, teráselle por desistido da súa solicitude.

7.- A resolución sobre concesión ou denegación de licenzas compételle ao Presidente da Federación.

8.- As licenzas deberán ser emitidas e postas ao dispor do solicitante ou, no seu caso, denegadas motivadamente, no prazo máximo dun (1) mes a contar desde o seguinte á entrada na Federación da solicitude debidamente formalizada.

9.- O cómputo do prazo referido no apartado anterior suspenderase polo tempo que medie, no seu caso, entre o requirimento de corrección de defectos e o seu efectivo cumprimento polo interesado.

10.- Calquera solicitude de licenza entenderase outorgada por silencio positivo, se non se notifica resolución expresa no prazo máximo indicado no apartado oitavo do presente artigo.

11.- Contra a denegación expresa da licenza solicitada ou contra a denegación da entrega do documento xustificativo da obtención de licenza por silencio positivo, caberá recurso ante o Comité Galego de Xustiza Deportiva, nos termos da súa propia normativa.

Artigo 17.- Licenzas nulas.

1.- Serán causa de anulación das licenzas concedidas:

- a) A falsidade nos datos facilitados para a súa obtención.
- b) Incorrer en duplicidade de licenza, vinculándose a máis dun club, nese caso será anulada a licenza máis recente.
- c) No caso de licenzas outorgadas por silencio positivo, e sempre que a Federación estime que non se reúne algún dos requisitos esenciais para obtela, antes de resolver

sobre a súa anulación outorgaráselle á persoa licenciada un prazo de 30 días para dar cumprimento ao requisito que non reunía.

2.- O procedemento de anulación de licenzas poderá iniciarse de oficio ou por denuncia e na súa tramitación que lle compete ao persoal laboral federativo deberá garantirse a audiencia da persoa interesada por un período de dez (10) días hábiles.

3.- A resolución anulando ou mantendo a validez da licenza compételle ao Presidente da Federación e fronte á mesma caberá recurso ante o Comité Galego de Xustiza Deportiva, nos termos da súa propia normativa.

Artigo 18.- Protección de datos persoais.

1.- A recollida, tratamento, cesión e calquera acto análogo respecto dos datos persoais das licenzas federativas, axustarase ás disposicións vixentes en materia de protección de datos de carácter persoal. En particular, estarase ao disposto no artigo 28.6 da lei 3/2012, do 2 de abril, do deporte de Galicia.

2.- A finalidade da recollida e tratamento dos datos persoais achegados coas solicitudes de licenzas de persoas físicas é a de tramitar e xestionar as licenzas federativas e habilitar a participación de tales persoas nas actividades federadas.

3.- Os datos obtidos unicamente serán cedidos e transferidos a entidades e organismos imprescindibles para poder levar a cabo as finalidades derivadas do exercicio das facultades inherentes á licenza durante o tempo en que o interesado permaneza integrado na organización federada, coas garantías establecidas na normativa en materia de protección de datos e sen prexuízo dos dereitos que lle asistan nesta materia.

Artigo 19.- Importe das licenzas.

1.- O importe das licenzas será o fixado para cada tempada pola Asemblea Xeral da Federación Hípica Galega para cada especialidade, estamento ou categoría, segundo se recolle no Anexo I ao presente regulamento.

2.- No caso de que calquera importe fose anulado por acto administrativo ou resolución xudicial entenderase aplicable o anterior importe en vigor para o devandito tipo de licenza.

Artigo 20.- Soporte e contido das licenzas.

1.- As licenzas federativas emitiranse en soporte electrónico.

2.- O formato das licenzas federativas é o recollido no Anexo II do presente regulamento.

3.- No documento da licenza, ademais dos conceptos económicos que resulten obrigatorios no caso das licenzas que permitan a participación en ámbitos superiores ao autonómico, deberán consignarse claramente, como mínimo, os seguintes datos:

a) O selo, logotipo e denominación da Federación Hípica Galega e da Xunta de Galicia.

- b) Duración da licenza.
- c) Nome e apelidos da persoa titular.
- d) Data de nacemento da persoa titular.
- e) Especialidade deportiva.
- f) No seu caso, entidade deportiva á cal se vincula o titular durante o período de duración da licenza.
- g) Categoría/estamento e galope actual.
- h) Dereitos federativos. Este contido poderá ser substituído pola súa remisión mediante ligazón ao desenvolto con máis extensión en determinado apartado da páxina web federativa.
- i) Identificación da Compañía Aseguradora e teléfono de atención e emerxencias.
- k) Número de póliza para a declaración do accidente deportivo, no seu caso.

4.- As licenzas que habiliten para a participación en actividades ou competicións de ámbito estatal deberán reflectir polo menos en lingua española os datos correspondentes.

Disposición Final.- Entrada en vigor.

O presente regulamento entrará en vigor a partir da súa aprobación pola Administración deportiva autonómica, tal e como se establece na Instrución do 10 de febreiro de 2021, da Secretaría Xeral para o Deporte, para a remisión dos regulamentos de licenzas das federacións deportivas galegas (DOG núm. 33, do 18 de febreiro de 2021). O regulamento entenderase aprobado, se no prazo de tres (3) meses a Administración deportiva autonómica non notificase a correspondente resolución de aprobación.

ANEXO I**IMPORTES DOS DISTINTOS TIPOS DE LICENZAS PARA A TEMPADA 2025****JINETES/AMAZONAS**

ALEVIN TERRITORIAL	38,00 €
ALEVIN COMPETIDOR TERRITORIAL	68,00 €
ALEVIN COMPETIDOR NACIONAL	101,00 €
INFANTIL TERRITORIAL	43,00 €
INFANTIL COMPETIDOR TERRITORIAL	76,00 €
INFANTIL COMPETIDOR NACIONAL	122,00 €
JUVENIL TERRITORIAL	56,00 €
JUVENIL COMPETIDOR TERRITORIAL	95,00 €
JUVENIL COMPETIDOR NACIONAL	164,00 €
JOVEN JINETE TERRITORIAL	66,00 €
JOVEN JINETE COMPETIDOR TERRITORIAL	106,00 €
JOVEN JINETE COMPETIDOR NACIONAL	183,00 €
ADULTO TERRITORIAL	66,00 €
ADULTO COMPETIDOR TERRITORIAL	106,00 €
ADULTO COMPETIDOR NACIONAL	183,00 €

JUECES

JUEZ TERRITORIAL	106,00 €
JUEZ NACIONAL	183,00 €

TECNICOS

TECNICO TERRITORIAL	106,00 €
TECNICO NACIONAL	183,00 €

CABALOS

CABALOS ESCUELA	23,00 €
CABALOS TERRITORIALES	63,00 €
CABALOS NACIONALES	87,00 €

CLUBS

CLUB TERRITORIAL	50,00 €
CLUB NACIONAL	306,00 €

ANEXO II

MODELO DE FORMATO DE LICENZAS

1 Modelo Licenzas Jinetes/Amazonas, Jueces y Técnicos

2 Modelo Licenzas Cabalos



Nacional

Técnico

~~XXXXXXXXXXXXXXXXXXXX~~

L.D.N.: ~~XXXX~~

Galope:

Categoría: Juez/Técnico

7 Salto de Obstáculos

~~XXXXXX~~

NIF: ~~XXXXXXXXXX~~

Nacemento: ~~XXXXXX~~

Control: 322

Licenza 2025



XUNTA
DE GALICIA



DEPORTE
GALEGO



- O titular é beneficiario dun seguro de asistencia sanitaria. O protocolo de actuación e os partes de accidentes están dispoñibles na web da Federación Hípica Gallega.
- Os federados nados entre os anos 2009 e 2018 incluídos, terán a cobertura do seguro contratado e asumido pola Secretaría Xeral para o Deporte
- Acceso gratuito as competicións Nacionais e Territoriais.
- Válida ata o 31 de Decembro do ano en curso.

Federación Hípica Gallega

Casa do Deporte. Rúa Fotógrafo Luis Ksado, 17 - oficina 5
36209 Vigo (Pontevedra)

Contacto: 986 213 800 / fhgallega@fhgallega.com
www.fhgallega.com



Territorial

HERA

L.A.C.: ~~XXXX~~ Microchip: 100100007241100003474

Propietario: ~~XXXXXXXXXXXXXXXXXXXX~~

Capa: Tordo

Raza: Anglo Árabe

Ano nacemento: 2018 Control: 207

Licenza 2025



- Seguro de responsabilidade civil para danos provocados a terceiros.
O protocolo de actuación en caso de sinistro está dispoñible na web da Federación Hípica Galega.
- Válida ata o 31 de Decembro do ano en curso.

Federación Hípica Gallega

Casa do Deporte. Rúa Fotógrafo Luis Ksado, 17 - oficina 5
36209 Vigo (Pontevedra)
Contacto: 986 213 800 / fhgallega@fhgallega.com
www.fhgallega.com

Reglamento aprobado en la Asamblea General Ordinaria celebrada el 18/03/2025